



De Trupialen tabata activo pa rindi honor na nos isla stima



ORANJESTAD - Nos ta comparti e amor grandi cu nos ta sinti pa nos isla, su hendenan, su musica y su cultura. De Trupialen a organisa diasabra 13 di Maart ultimo, un celebracion dedica na nos dia nacional, Dia 18 di Maart, Dia di nos Himno y nos Bandera.

Tabatin presentacion di poppenkast pa mucha den clubhuis di De Trupialen. Teatro Harlekino a presenta e obra "E bandera di Fechi". Despues di esey a cuminsa un anochi yen di musica y canto. Tur esaki a tuma lugar riba speelplaats di La Salle College, dilanti club di De Trupialen.

Habri pa un y tur cu a yega, tabatin actuacion di e banda di De Trupialen, e banda Pica Crioyo, Robert Thiel, presentacion di Etty Toppenberg, Jossy Brokke Jr., entre otro. Den estilo propio di De Trupialen, ken cu anima, por a subi canta tambe. Riba e combinacion di potret ta haya un bista di algun momento particular di e anochi aki na De Trupialen.

